

**Govor predsjedavajućeg Delegacije Parlamentarne skupštine BiH u
Parlamentarnoj skupštini NATO-a Milorada Živkovića na 70. Rose - Roth seminaru
Parlamentarne skupštine NATO-a**

Sarajevo, 19. mart 2009.

"Dame i gospodo,

Sa velikim zadovoljstvom otvaram 70. Rose Roth Seminar koji NATO Parlamentarna skupština organizuje u saradnji sa Parlamentarnom skupštinom Bosne i Hercegovine.

Sve prisutne, a posebno naše drage goste van Bosne i Hercegovine, najsrdačnije pozdravljam u ime Parlamentarne skupštine Bosne i Hercegovine i članova Delegacije Parlamentarne skupštine BiH u NATO Parlamentarne skupštine.

Posebno pozdravljam kolege parlamentarce. Pojedinačno je teško pobrojati sve drage goste. Vi se sigurno nećete ljutiti što to ovoga puta neću moći uraditi.

Posebno želim da se zahvalim Sekretarijatu NATO Parlamentarne skupštine na izvanrednoj saradnji u pripremi 70. Rose Roth seminaru. U protekla tri mjeseca ostvarili smo dnevnu komunikaciju i rješavali probleme koji su uobičajeni u pripremi ovog izuzetno značajnog skupa.

Iskreno se zahvaljujem i generalu Sabato Ericco - komandantu NATO Štaba u BiH, gospodinu Vinku Dumančiću - direktoru Granične policije BiH i gospodinu Selmi Cikotiću - ministru odbrane BiH na pomoći koji su nam pružili u pripremi seminaru. Zahvaljujem i rukovodstvima SIPA, MUP-a Federacije, MUP-a Republike Srpske i Kantona Sarajevo na saradnji i vrlo profesionalno obavljenom poslu u pripremi Seminaru.

O značaju Seminaru neću posebno govoriti jer imaćemo priliku čuti brojne govornike koji će u pet sesija i u naredna tri dana sa brojnih aspekata govoriti o temi: „Jugoistočna Evropa: Od Dejtona prema Briselu“.

Kada je u pitanju opredjeljenje Bosne i Hercegovine i njenih zvaničnih institucija na putu prema NATO, uspjesima i problemima koji prate taj put, biće dosta priče.

Ja uzimam sebi za pravo da kažem da su strateška opredjeljenja potpuno jasna i da Bosna i Hercegovina ide jasno definisanim putem ka NATO. Realizacija Individualnog partnerskog programa IPAP pokazuje da smo na dobrom putu i u 2009. godini, kada se obilježava 60.- ta godišnjica NATO, očekujemo da Bosna i Hercegovina krene sa realizacijom Akcionog plana za članstvo MAP. " (kraj)